



336
P.B.1

Broj: 03-02-04-7103/20
Sarajevo, 11.03.2020.godine

KANTON SARAJEVO
SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo
Dr. Mirza Čelik

Predmet: Odgovor na zastupničko pitanje

Ministarstvu pravde i uprave Kantona Sarajevo, dostavljeno je zastupničko pitanje zastupnika u Skupštini Kantona Sarajevo Vreto Elvisa, postavljeno na 21. radnoj sjednici Skupštine Kantona Sarajevo održanoj dana 25.02.2020. godine, koje glasi:

"Zašto se ne izvršava odluka-presuda Ustavnog suda vezano za obavezu isplate oštećenih radnika nekadašnjeg Sarabona i koje aktivnosti se poduzimaju da se radnici isplate?"

ODGOVOR

Vladi Kantona Sarajevo po apelacijama 112 zaposlenika privrednog društva DD "Sarabon" Tvornica čokolade i kandita Sarajevo, dostavljene su odluke Ustavnog suda Bosne i Hercegovine, kojima su usvojene podnesene apelacije te utvrđena povreda prava na pravično suđenje i prava na imovinu zbog neizvršenja pravosnažnih sudskih presuda (na ime potraživanja iz radnog odnosa ukupne vrijednosti preko 4.000.000 KM prijavljenih u stečajnom postupku pokrenutom 2007. godine i unesenih u Tabelu stečajnih povjerilaca), kao i zbog dužine trajanja stečajnog postupka koji se vodi pred Općinskim sudom u Sarajevu.

Pored isplate naknade nematerijalne štete zbog povrede navedenih prava svakom od apelanata u iznosu od po 1.000 KM, Vlada Kantona Sarajevo obavezana je i na poduzimanje adekvatnih mjera s ciljem da apelanti/povjerioci koji posjeduju izvršne sudske odluke na teret budžetskih sredstava Kantona Sarajevo, naplate svoja potraživanja u razumnom roku.



Po nalogu Ministarstva privrede Kantona Sarajevo od 18.12.2018. godine, Ministarstvo finansija Kantona Sarajevo, izvršilo je isplatu sredstava u iznosu od 112.000,00 KM po osnovu naknade nematerijalne štete, na račun punomoćnika apelanata, advokata koji je bio opunomoćen za naplatu potraživanja u ovom postupku, te su na taj način odluke Ustavnog suda BiH u ovom dijelu izvršene.

Dana 30.05.2019. godine, Vlada Kantona Sarajevo donijela je Zaključak broj: 03-05-22216-32/19, kojim je formiran radni tim u sastavu Ministrica pravde i uprave, Ministar Finansija i Ministar privrede, radi vođenja pregovora sa pravnim zastupnikom radnika preduzeća o načinu izmirenja pravosnažnih presuda, a po odlukama Ustavnog suda BiH.

Ministarstvo pravde i uprave Kantona Sarajevo uputilo je dana 05.08.2019. godine Visokom sudskom i tužilačkom vijeću Bosne i Hercegovine, primjedbu na postupanje Kantonalnog tužilaštva Kantona Sarajevo, u predmetu ovog tužilaštva broj: 09 K 011588 11 KPP, s obzirom da istražni postupak koji je povezan sa stečajem ovog privrednog društva, traje od početka 2011. godine, te je nakon toga uslijedilo i podizanje optužnice. Kantonalni sud u Sarajevu, u februaru 2011. godine, u krivičnom predmetu protiv osumnjičenih V.Č. i drugi, zbog osnovane sumnje da su počinili krivično djelo, Naredbom je zabranio korištenje, otuđenje i bilo kakvo raspolaganje imovinom DD "Sarabon" Tvornica čokolade i kandita u stečaju, do okončanja ovog krivičnog postupka. Iz navedenog razloga stečajni upravnik nije unovčio imovinu stečajnog dužnika (radi se o nekretninama koje je potrebno unovčiti).


Nakon što je Vlada Kantona Sarajevo, u postupku pregovora o načinu izmirenja pravosnažnih presuda iznašla potrebna sredstva za izmirenje svih obaveza, te Nacrt sporazuma o dinamici isplate preostalih potraživanja radnika ovog privrednog društva dostavila na očitovanje Pravobranilaštvu Kantona Sarajevo, isto je dana 26.08.2019. godine, dalo negativno Mišljenje, iz razloga kako je navedeno u aktu koji Vam dostavljamo u prilogu. O preduzetim aktivnostima je obaviješten i Ustavni sud Bosne i Hercegovine.

Na ovaj način je Vlada Kantona Sarajevo preduzela sve potrebne mjere vezane za izvršenje odluka Ustavnog suda Bosne i Hercegovine po apelacijama uposlenika DD "Sarabon" Tvornica čokolade i kandita Sarajevo.

S poštovanjem,

Dostaviti:

1. Službi za skupštinske poslove Kantona Sarajevo
2. Stručnoj službi Vlade Kantona Sarajevo
3. a/a



web: <http://mpu.ks.gov.ba>
e-mail: mpu@mpu.ks.gov.ba
Tel: + 387 (0) 33 562-083,
Fax: + 387 (0) 33 562-241
Sarajevo, Reisa Džemaludina Čauševića 1





2569

28-08-2019

02

Broj: M-137/2019
Sarajevo, 23.08.19.god.

Bosna i Hercegovina
Federacija Bosne i Hercegovine
KANTON SARAJEVO
MINISTARSTVO PRAVDE I UPRAVE
Na broj: 03-14-28912/19 od 02.08.2019.godine

Federacija Bosna i Hercegovina
KANTON SARAJEVO

PRIMLJENO: 27-08-2019

Organizaciona jedinica	Institucionalna oznaka	Redni broj	Broj prijema
05	14	28912	-1

Predmet: Mišljenje na nacrt Sporazuma o dinamici isplate preostalih potraživanja radnika Sarabona, dostavlja se

Dana, 07.08.2019.godine ovo Pravobranilaštvo zaprimilo je zahtjev za Mišljenje od strane Ministarstva pravde i uprave na podneske advokata Zeba S.Hajrana i Fikreta Cocalića a uvezi isplate potraživanja radnika privrednog društva u stečaju "Sarabon" d.d. Sarajevo. U prilogu akta dostavljeni su Elementi sporazuma o dinamici isplate preostalih potraživanja radnika Sarabona sa pratećim dokumentima, Prijedlog vanskudskog poravnjanja od 19.06.2019.godine za jednog od radnika "Sarabon" d.d. u stečaju punomoć za zastupanje od 15.08.2018.godine, potvrda firme "Sarabon" d.d u stečaju od 10.12.2018.godine, pravosnažna presuda Općinskog suda u Sarajevu od 10.02.2006.godine

Na osnovu dostavljene dokumentacije a u skladu sa članom 15. Zakona o pravobranilaštvu Kantona Sarajevo (Sl.novine KS broj 33/08,07/12,44/16) na dostavljeni Nacrt Sporazuma o dinamici isplate preostalih potraživanja radnika "Sarabon" d.d. Sarajevo dajemo sljedeće:

MIŠLJENJE

U konkretnom slučaju osnov za zaključenje Sporazuma odnosno Vanskudske nagodbe o dinamici isplate potraživanja radnika "Sarabon" d.d. u stečaju između s jedne strane Vlade Kantona- resornih ministarstava i punomoćnika radnika navednog preduzeća je Odluka Ustavnog suda Bosne i Hercegovine donesena dana 06.06.2018.godine broj AP 5375/17 u kojoj su spojeni predmeti brojevi: AP 5375/17, AP 5378/17, AP 5379/17, AP 5592/17, AP 5593/17, AP 5594/17 i AP 5595/17 za koje se vodio jedan postupak i donešena jedna odluka pod brojem AP 5375/17.

Stavom 1. Izreke navedene odluke Ustavni sud **naložio je Vladi Kantona da apelantima Hatidi Klinić, Adnanu Hadžimuratoviću, Olgi Panić, Amri Šukalić, Melći Komarica, Havi Karaman i Seniji Pulić-Ganić isplati iznos od po 1.000,00 KM na ime naknade nematerijalne štete zbog povrede navednih prava i to u roku od tri mjeseca od dostavljanja odluke.**

Stavom 2. Izreke **odluka se dostavila Vladi Kantona kako bi izvršila svoje ustavne obaveze i osigurala poštivanje ljudskih prava, tako što će u roku od tri mjeseca preduzeti adekvatne mjere s ciljem da**



apelanti/povjerioci koji posjeduju izvršne sudske odluke na teret budžetskih sredstava Kantona Sarajevo naplate svoja potraživanja u razumnom roku.

Stavom 3. Izreke naloženo je Vladi Kantona da u skladu sa članom 72., stav 5 Pravila Ustavnog suda Bosne i Hercegovine u roku od šest mjeseci od dana dostavljanja ove odluke obavjesti Ustavni sud Bosne i Hercegovine o poduzetim mjerama s ciljem izvršenja ove odluke.

Obaveza Vlade Kantona Sarajevo u konkretnom slučaju jeste da isplati iznose od po 1.000,00 KM na ime nematerijalne štete zbog povrede prava na pravično suđenje kao i prava na imovinu zbog neizvršenja pravosnažnih presuda, odnosno neprovođenja rješenja o izvršenju Općinskog suda u Sarajevu, kao i zbog dužine trajanja stečajnog postupka koji se vodi pred Općinskim sudom u Sarajevu pod brojem 09 65 St 020833 06 St. Prema informacijama ovog Pravobranilaštva navedeni iznosi od po 1.000,00 KM isplaćeni su apelantima i o tome je potrebno obavjestiti Ustavni sud BiH koji je naložio Vladi Kantona ovakvo postupanje.

U predmetnom Sporazumu navodi se da je Odlukom Ustavnog suda naloženo Vladi Kantona da u roku od tri mjeseca preduzme adekvatne mjere kako bi potraživanja apelanata/uposlenika bila isplaćena na teret budžetskih sredstava.

Prije svega primjećujemo da prednje navedno nije tačno. Stavom 2.navedne Odluke, Vladi se ne nalaže, već se Odluka Vladi dostavlja kako bi izvršila svoje ustavne obaveze i osigurala poštovanje ljudskih prava kako bi imaooci izvršnih presuda na teret budžetskih sredstava naplatili svoja potraživanja. U konkretnom slučaju apelanti/uposlenici ne posjeduju izvršne presude na teret budžetskih sredstava pa se konkretna Odluka AP-5375/17 ne odnosi na apelante. Presude koje apelenati posjeduju su presude protiv privrednog društva "Sarabon" d.d. čiji je Osnivač Kanton Sarajevo, a ne presude protiv Kantona Sarajevo kao Osnivača privrednog društva "Sarabon" d.d. Sarajevo.

Zaključivanjem Sporazuma o dinamici isplate preostalih potraživanja prema mišljenju ovog Pravobranilaštva Vlada Kantona prekršile bi se odredbe Zakonom o privrednim društvima FBiH, Zakona o stečajnom postupku i drugim relevantnim propisima koji su jasno propisali kako i kada odgovara Osnivač za dugove privrednog društva, odnosno da se potraživanja radnika svrstavaju u viši isplatni red i da isti imaju prioritet u naplati svojih potraživanja.

Jasno je dakle da se Odluka Ustavnog suda broj AP-5375/17 ne odnosi na apelante jer u konkretnom slučaju oni ne posjeduju izvršne sudske presude na teret budžetskih sredstava već presude na teret privrednog društva "Sarabon" d.d.d te da ista ne može predstavljati osnov zaključenja predmetnog Sporazuma.

Imajući u vidu da su Odluke Ustavnog suda obvezujuće i konačne i da niukom slučaju ovo Pravobranilaštvo iste ne komentariše niti obrazlaže već isključivo shodno odredbama Zakona o pravobranilaštvu Kantona Sarajevo daje svoje mišljenje na predmetni Nacrt Sporazuma, mišljenje ovog Pravobranilaštva u konkretnom slučaju jeste da se Sporazum o dinamici isplate preostalih potraživanja radnika "Sarabon" d.d. ne može zaključiti odnosno Pravobranilaštvo daje negativno mišljenje na dostavljeni Nacrt iz naprijed navednih razloga.

S poštovanjem,

